

Pir il terz architect

Surdada dal Premi cultural 2011

DA GION NUTEGN STGIER / ANR

■ **Blers gratulants per Gion A. Caminada, l'architect renomà, venderdi passà tar la surdada dal Premi cultural 2011 en il bajetg da cussegl grond.** Undradas cun in premi da reconuschientscha ubain in premi da promoziun èn er anc ulteriuras personas da l'intschess rumantsch vegnidas. En in rom fig

festiv è vegnì surdà venderdi passà a Cuir il premi cultural ed a modern temp er otg premis da reconuschientscha e diesch premis da promoziun. Dapi il 1969 surdat il chantun Grischun ils premis, dentant il premi cultural na vegn betg surdà mintg'onn. Il 28. premi cultural ha la regenza grischuna surdà a *Gion A. Caminada*, l'architect da Vrin. Il Sursilvan è en l'istorgia dal premi

cultural, il pli aut premi dal chantun, pir il terz architect che ha retschet quella distincziun. Fin uss avevan ils architect *Rudolf Olgiati* e *Peter Zumthor* gì quella onur. Tranter las purtadoras ed ils purtaders dals premis da reconuschientscha e da promoziun sa chattan er otg umens e dunnas da regiuns rumantschas.

> PAGINA 2



En sia vita professunala ha l'architect sursilvan Gion A. Caminada er gì bler sustegn da sia dunna Giuseppa Caminada.

FOTO G. N. STGIER